

TEUTEUGA O LE TULAFONO O GALUEGA TAU LEOLEO

SAMOA

Faatulagaina o Aiaiga

- | | |
|--|---|
| Igoa | 7. Faafesuiaiga o Sui ma Galuega Tau Falepuipui ma Galuega Tinei Mu |
| 1. Igoa puupuu ma le amataga | 8. Soliga o tiute tauave e le Komesina, Komesina Fesoasoani po o le Taitai Sili |
| 2. Faamatalaina o uiga o upu | 9. Taofia o nisi alii ofisa mai galuega ona o ni soliga o tiute tauave |
| 3. Komesina Fesoasoani | 10. Suesuega o ni moliaga tau le solia o tiute tauave ma faasalaga |
| 4. Tofia ma pule a Komesina Fesoasoani | 11. Talosaga |
| 5. Komiti Faatino o le Tofia ma Tulaga Siitia | |
| 6. Ia faia e sui o le Galuega Tau Leoleo tautoga | |

2002, Nu. 7

O SE TULAFONO e teuteu ai le Tulafono o Galuega Tau Leoleo 1977 e aiaia ai mo tulaga tofi o Komesina Fesoasoani ma isi aiaiga. *[28 Mati 2002]*

UA FAIA e le Fono Aoaio Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Galuega Tau Leoleo 2002.

(2) O lenei Tulafono o le a amata faamamaluina i se aso e pei ona faatuina e le Minisita e ala i se lomiga faasalalau o se faasilasilaga e tusa ai ma lena tulaga i le Savali.

(3) I totonu o lenei Tulafono, o se faasinomaga i le Tulafono autu o le a tataua ona avea o se faasinomaga i le Tulafono o Galuega Tau Leoleo 1977.

2. Faamatalaina o uiga o upu – O le fuaiupu 2 o le Tulafono autu ua teuteuina e faapea:

(1) I le aveesea o le faamatalaina o le “Komesina Lagolago”, ma

(2) I le faaofiina i totonu o le faamatalaina o upu i le faasologa o le pi faitau e faapea:-

“Komesina Fesoasoani” o lona uiga o se Komesina Fesoasoani o Galuega Tau Leoleo ua tofia i lalo o lenei Tulafono, ma e aofia ai so o se tagata o lo o galue e avea o se Komesina Fesoasoani.’

(3) I le faaofiina i ai upu “Komesina Fesoasoani” ina ua tuanai le upu “Komesina” i totonu o le faamatalaina o le “Alii Ofisa Fai Pine.”

3. Komesina Fesoasoani – O le fuaiupu 4(1) o le Tulafono autu ua teuteuina i le aveesea o upu “Komesina Lagolago” ma suia i upu “Komesina Fesoasoani.”

4. Tofia ma pule a Komesina Fesoasoani – O le fuaiupu 5A o le Tulafono autu ua soloia ma suia i le fuaiupu ua taua e faapea-

“5A Tofia ma pule a Komesina Fesoasoani-(1) E mafai e le Ao o le Malo, i le faia i luga o le fautuaga a le Kapeneta ona tofia ni tagata ua agavaa ma tataua ai e avea o Komesina Fesoasoani o Galuega Tau Leoleo, o i latou ia, i le noatia ma le fai fuafua i le pule a le Komesina, e tataua ona i ai ma e mafai ona faatinoina ia pule, tiute ma galuega a le Komesina e avea ai o se Komesina, e pei ona o le a tuuina atu e le Komesina i se tulaga aoao po o se tulaga patino mai lea taimi i lea taimi.

(2) I luga o le tulai mai i so o se mafuaaga o se avanoa i le tofi Komesina (pe o se mafuaaga o le maliu, faamavaega, po o se isi tulaga) po o i se tulaga o le toesea o le Komesina

mai i tiute tauave (ona o so o se mafuaaga lava e tulai mai) ma i le faaauau pea o lea avanoa e mafai e se Komesina Fesoasoani ua filifilia e ala i se tusitusiga a le Minisita ona faatino pule uma, tiute tauave ma galuega a le Komesina.

(3) O le faatinoina e se Komesina Fesoasoani o so o se pule, tiute tauave po o galuega a le Komesina e tatau ona avea ma molimau maumaututu o le pule a lea tagata na te faia ai faapea.

(4) O le tuuina atu o pule uma i lalo o lenei fuaiupu e tatau ona tusitusia ma e tatau ona soloia i le loto malie, ma e le tatau i le tuuina atu o lea pule ona taofia mai le faatinoina o so o se pule e le Komesina.

(5) E ese mai ai i so o se isi Tulafono, e mafai e le Ao o le Malo i le faia i luga o le fautuaga a le Kapeneta, ona ia tofia se Sui Komesina e avea ma Taitai Sili o Falepuipui i lalo o aiaiga o le Tulafono o Falepuipui 1967.

(6) E ese mai ai i so o se isi Tulafono, e mafai e le Komesina, i luga o le fautuaga a le Komiti Faatino Tau Tofiga ona tofia se Komesina Fesoasoani e avea o le Alii Ofisa Sili Tinei Mu i lalo o aiaiga o le Tulafono o Galuega Tinei Mu 1994.

(7) So o se Komesina Fesoasoani ua tofia e avea ma Taitai Sili o Falepuipui po o Alii Ofisa Sili Tinei Mu, po o so o se Komesina Fesoasoani ua tofia e tauaveina faatasi tofiga Taitai Sili o Falepuipui ma Alii Ofisa Sili Tinei Mu, e tatau ona faaauau lona umia o le tulaga o le Komesina Fesoasoani ao faagasolo sea tofiga po o ia tofiga e aunoa ma le aveesea o le tulaga i le galuega, tulaga aloaia po o tulaga sinia e avea ai ma se Alii Ofisa Fai Pine.

(8) Afai ua tofia se Komesina Fesoasoani e avea ma Taitai Sili o le Falepuipui po o Alii Ofisa Sili o Tinei Mu, po o tulaga tofi uma e lua, o le a le tatau ona agavaa sea Komesina Fesoasoani i soo se totogi faaopoopo, alauni po o isi faamanuiaga e sili atu nai lo le totogi na agavaa i ai lea tagata e tusa ai o lona tulaga e avea ai o se Komesina Fesoasoani, ae vagana ai soo se totogi faaopoopo, alauni po o isi faamanuiaga e faapea e faaono mafai ona faatonu mai e tulafono faatonutonu ma faamaonia e le Komesina.

5. Komiti Faatino o le Tofia ma Tulaga Siitia – O le fuaiupu 12(1)(b) o le Tulafono autu ua teuteuina i le aveesea o upu “Alii Asiasi Sili po o se Alii Asiasi” ma suia i upu “Alii Ofisa Fai Pine.”

6. Ia faia e Sui o le Galuega tau Leoleo le tautoga – O le fuaiupu 14(2) o le Tulafono autu ua teuteuina i le aveesea o upu “o le Komesina Lagolago” ma suia i upu “o se Komesina Fesoasoani”.

7. Faafesuaiga o Sui ma Galuega tau Falepuipui ma Galuega Tinei Mu – O le fuaiupu 18 o le Tulafono autu ua teuteuina i le faaopoopoina o upu “po o Galuega Tinei Mu” pe a tuanai upu “Galuega tau Falepuipui” i so o se vaega o le fuaiupu o lo o aliali mai ai.

8. Soliga o tiute tauave e le Komesina, Komesina Fesoasoani po o le Taitai Sili – O le fuaiupu 24(1) o le Tulafono autu ua teuteuina i le aveesea o upu “o le Komesina Lagolago” ma suia i upu “o se Komesina Fesoasoani”.

9. Taofia o nisi alii ofisa mai le galuega ona o le soliga o tiute tauave – O le fuaiupu 25(1) o le Tulafono autu ua teuteuina i le aveesea o upu “o le Komesina Lagolago” ma suia i upu “o se Komesina Fesoasoani”.

10. Suesuega o ni moliaga tau le solia o tiute tauave ma faasalaga – O le fuaiupu 26(1) o le Tulafono autu ua teuteuina i le aveesea o upu “o le Komesina Lagolago” ma suia i upu “o se Komesina Fesoasoani”.

11. Talosaga – O le fuaiupu 27 o le Tulafono autu ua teuteuina i le aveesea o upu “o le Komesina Lagolago”, i so o se vaega lava o lo o i ai ia upu ma suia i upu “o se Komesina Fesoasoani”.
